



26. Oktober 2011

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut Apeqqut:**

- 1. 1. December-ip aallaqqaataaniunngitsoq kisiannili 1. Oktober-imiit Diskobugt-imi illoqarfinni mikinerni timmisartukkut ilaasunik angallassisoqartalissappat qaammatinik marlunnik sioqqutsisumik aningaasat qanoq amerlatigisut atorpeqassappat?**
- 2. Naalackersuisut isumaqarpat 1. Oktoberi aallarnerfigalugu timmisartukkut ilaasunik angallassineq aallartittalissasoq?**
- 3. Naalackersuisut pilersaaruteqarpat Diskobugt-imi timmisartukkut imaatigullu angallannerup siunissami akikillinissaanut?**  
(Inatsisartuni ilaasorta, Kristian Jeremiassen Siumut)

**Tunnqavilersuut**

Suleqatiga Anda Uldum Demokraatit Inatsisartuni suleriaaserput § 37 atorlugu Naalackersuisunut apeqquteqartoq Qeqertarsuarmi angallaneq pillugu soqutiginarartilergu atuarpara, taamaalillunga Diskobugt-imi innuttaasut eqqornerlunneqarsimasut angallannikkut tamaasa isigalugit apeqquteqaateqarnissannut pissutissaqalerpunga.

Iluoortuusoq uppersassavara maannakkut Diskobugt-imi angalarnearneq akisoqisoq, unnuinerpassuarnillu nalaataqarfiusartoq. Tamannalu innuttaasunut akisuumik atugaqarfigivaat. Isumaqaatigiissutissamilu aappaagu isumaqaatigiissutigineqartussami pitsaanerusumik aqqiissuteqassasut Naalackersuisut qinnuigivakka.

Naalackersuisunut erseqqissarniarpara 1. December-imiit timmisartup angalasalertarnera kingusippallaartoq tamannalu aaqqinneqartariaqartoq 1. Oktober-imiit timmisartumik angallassineq ingerlalertariaqarluni.

Ajorinngilara timmisartuq unittarmat maaji aallartisimalerneraniit, aasarmi naallugu timmisartuq ingerlasassappat qularinnginnakku akit maanna qaffasereeqisut qaffaqqissasut.

Diskobugt-imilu innuttaasut pitsaanerutilutigu 1. Oktoberi timmisartukkut angallassineq aallartittalerpat, taamaalilluni imaq mallertalereersorsuaq angalaffigiuminaatsorlu timmisartumik angalaffigisinnaalerniassagatsigu.

Taamaamat apeqqutigivara 1. December-ip aallaqqaataaniunngitsoq kisiannili 1. Oktober-imiit Diskobugt-imi illoqarfinni mikinerni timmisartukkut ilaasunik angallassisoqartalissappat qaammatinik marlunnik sioqqutsisumik aallartittalissappat aningaasat qanoq amerlatigisut atorpeqassappat?

Aappaatullu Naalackersuisut isumaqarpat 1. Oktoberi aallarnerfigalugu timmisartukkut ilaasunik angallassineq aallartittalissasoq?

Pingajuattullu ajornartorsiutip annertoqataa apeqqutiginiarpara tassalu akit qaffasippallaarnerat.

Aappariit meerallit Aasianniit Qasigiannuanut juullisioriarniarput juullereerpallu Aasiannut uteqqillutik, akia 10.000,-Kr. Sulisartumulli aki inornaraluassusia! Taamaammatt apeqqutiginiarpara Naalakkersuisut pilersaaruteqarpat Diskobugt-imi timmisartukkut imaatigullu angallannerup siunissami akikillinissaanut?

Naggataatigullu Naalakkersuisut qinnuigivakka nutaamik angallassinissamik isumaqatigiissusiulerussi 1. Oktoberip aallaqqaataaniit timmisartup ilaasunik angallassisalernissaa qularnaqqullugu.

Kissaatigaara apeqquteqaatikka ullut suliffiusut qulit iluanni akineqareersimanissaat.